



Broj: 01-21800-26/22

Dana, 19.04.2023. godine

Na osnovu člana 31. Statuta Univerzitetskog kliničkog centra Republike Srpske i člana 70. Zakona o javnim nabavkama BiH („Sl. glasnik BiH“, broj: 39/14 i 59/22), donosim sljedeću

ODLUKU O IZBORU NAJPOVOLJNIJIH PONUDA
(ponovni izbor za lotove 21 i 29)

I

Postupajući u skladu sa Rješenjem broj: 01-21800-23/22 od dana 31.03.2023. godine, Komisija je izvršila ponovnu analizu i ocjenu ponuda, te cijeneći činjenično stanje u postupku nabavke i sva saznanja iz postupka, kako prvostepenog tako i postupka po žalbi, na osnovu prijedloga Komisije za provođenje otvorenog postupka sa međunarodnom objavom, koji je objavljen na Portalu javnih nabavki broj: 1255-1-1-769-3-656/22 od 09.12.2022. godine, ispravka obavještenja broj: 1255-1-1-769-8-22/23 od 24.01.2023. godine, donio sam odluku da se kao najpovoljnije ponuda u postupku nabavke medicinskih sredstava (potrošnog materijala) za anesteziju izabere ponuda ponuđača „Inel - Med“ d.o.o. Mostar, ul. Rudarska 20 b za lotove kako slijedi:

Lot 21 – Spinalna igla sa pencil point vrhom;
Lot 29 – Centralni venski kateter, trolumenski;

II

Za sprovođenje ove Odluke zadužuje se Služba za javne nabavke i praćenje realizacije ugovora.

O izvršenju ove Odluke odgovorna lica su obavezna da redovno informišu generalnog direktora.

Obrazloženje:

Na osnovu provedenog postupka, prvobitnog pregleda i ocjene pristiglih ponuda, ugovorni organ je donio Odluku o izboru najpovoljnijih ponuda br: 01-21800-19/22 od 14.03.2023. godine, kojom je kao najpovoljnija ponuda u postupku nabavke medicinskih sredstava (potrošnog materijala) za anesteziju odabrana ponuda ponuđača „Stepmed“ d.o.o. Banja Luka, ul. Prvog krajiškog korpusa 136 za lotove kako slijedi:

Lot 21 – Spinalna igla sa pencil point vrhom;
Lot 29 – Centralni venski kateter, trolumenski.

Nakon dostavljanja Odluke o izboru najpovoljnije ponude br: 01-21800-19/22 od 14.03.2023. godine svim ponuđačima, ponuđač „Inel - Med“ d.o.o. Mostar je na osnovu izvršenog uvida u ponude uložio žalbu na Odluku o izboru najpovoljnije ponude broj: 01-21800-19/22 od 14.03.2023. godine u dijelu koji se odnosi na naprijed navedene lotove.

Razmatrajući žalbene navode Ugovorni organ je ocijenio da je žalba osnovana, te je u skladu sa tim izradio Rješenje broj: 01-21800-23/22 od dana 31.03.2023. godine, koje prosljeđuje ponuđaču „Inel - Med“ d.o.o. Mostar dana 31.03.2023. godine, koje je protekom roka za ulaganje pravnih lijekova postalo konačno.

Rješenjem je odlučeno da će Ugovorni organ staviti van snage Odluku o izboru najpovoljnije ponude br: 01-21800-19/22 od 14.03.2023. godine u dijelu koji se odnosi na lotove 21 i 29, kao i da će izvršiti ponovnu analizu ponuda na osnovu čega će donijeti odgovarajuću odluku u predmetnom postupku nabavke za navedene lotove.

Komisija je u ponovljenim radnjama postupka, u skladu sa Rješenjem broj: 01-21800-23/22 od dana 31.03.2023. godine, cijeneći činjenično stanje u postupku nabavke i sva saznanja iz postupka, kako prvostepenog tako i postupka po žalbi pristupila ponovnoj analizi i ocjeni pristiglih ponuda za predmetne lotove.

Nakon ponovljenih radnji postupka i izvršenog ponovnog pregleda i ocjene ponuda, utvrđeno je da je ponuda ponuđača „Inel - Med“ d.o.o. Mostar prihvatljiva i sačinjena u skladu sa uslovima iz tenderske dokumentacije, te je na osnovu utvrđenog kriterijuma za izbor, ekonomski najpovoljnija ponuda na bazi podkriterija (cijena – učešće 90%, rok plaćanja – učešće 10%), ocijenjena kao najpovoljnija za lot 21 i lot 29 od ukupno dvije ponude pristigle po objavljenom otvorenom postupku sa međunarodnom objavom za nabavku medicinskih sredstava (potrošnog materijala) za anesteziju.

Ovom Odlukom stavlja se van snage Odluka o izboru najpovoljnije ponude br: 01-21800-19/22 od 14.03.2023. godine u dijelu koji se odnosi na lotove 21 i 29.

Detaljno obrazloženje, analiza i ocjena pristiglih ponuda nalazi se u Zapisniku o ponovnom pregledu i ocjeni ponuda za lotove 21 i 29, koji vam dostavljamo u prilogu ove Odluke i čini njen sastavni dio.

Pouka o pravnom lijeku:

Protiv ove Odluke pravo žalbe ima svaki privredni subjekt koji ima ili je imao interes za dodjelu ugovora o javnoj nabavci i koji učini vjerovatnim da je bila ili je mogla da bude u konkretnom postupku javne nabavke prouzrokovana šteta zbog postupanja ugovornog organa, a koja se u žalbi navodi kao povreda Zakona i podzakonskih akata od strane ugovornog organa. Žalba se podnosi ugovornom organu, u pisanoj formi u roku od deset dana od prijema pisane Odluke o izboru najpovoljnijih ponuđača na način predviđen članom 99. Zakona o javnim nabavkama BiH.

Žalba uložena u prethodno navedenom roku sprečava naručioca da zaključi ugovor o nabavci roba s najpovoljnijim ponuđačima.

DOSTAVLJENO:

1. Svim učesnicima
2. Sl. za JN i praćenje realizacije ugovora
3. Arhiva.

GENERALNI DIREKTOR,
Prof. dr sc. med. Vlado Đajić

